



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic
Road Directorate

Broj: 04-11-11111/20
Sarajevo, 24.06.2020. godine

Na osnovu člana 64. stav 1. tačka b) i člana 70. Zakona o javnim nabavkama („Sl. glasnik BiH“, broj 39/14) te na osnovu Zapisnika o ocjeni ponuda, broj: 04-11-11111/20 od dana 24.06.2020. godine, Direktor Direkcije za puteve Kantona Sarajevo donosi

ODLUKU

o izboru najpovoljnijeg ponuđača

za „Izvođenje radova na projektu izgradnje isključne trake (trake za usporenje) sa ceste
Zapadni prilaz gradu u naselju Osjek“

I.

Prihvata se Preporuka iz Zapisnika o ocjeni ponuda, broj 04-11-11111/20 od dana 24.06.2020. godine, i okvirni sporazum za javnu nabavku „Izvođenje radova na projektu izgradnje isključne trake (trake za usporenje) sa ceste Zapadni prilaz gradu u naselju Osjek“ dodjeljuje se ponuđaču BOSMAN d.o.o. Sarajevo, ponuda broj: 04-11-20435 od 12.06.2020. godine, za ponuđenu cijenu od **1.046.893,44 KM** bez PDV-a, kao najbolje ocijenjenom.

II.

Prijedlog okvirnog sporazuma o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

III.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 04-11-11111/20 od 22.05.2020. godine.

Javna nabavka je provedena otvorenim postupkom.

Procijenjena vrijednost javne nabavke je 1.101.791,06 KM bez PDV-a.

Obavještenje o nabavci broj: 201-1-3-18-3-37/20 objavljeno je na Portalu javnih nabavki dana 22.05.2020. godine.

Komisija za javnu nabavku imenovana je Odlukom o imenovanju Komisije za javnu nabavku broj: 04-11-11111/20 od 22.05.2020. godine.

Komisija za javnu nabavku je sačinila Zapisnik o otvaranju ponuda broj: 04-11-11111/20 od dana 22.05.2020. godine, Zapisnik o radu broj: 04-11-11111/20 od dana 15.06.2020. godine te Zapisnik o ocjeni ponuda broj: 04-11-11111/20 od dana 24.06.2020. godine, a koji zapisnik sadrži preporuku ugovornom organu.

Komisija za javnu nabavku je blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda 6 (šest);
- Da da je blagovremeno zaprimljeno 6 (šest) ponuda;
- Da nijedna ponuda nije neblagovremeno zaprimljena;
- **Da su ponude ponuđača Mevludin Commerc, MGBH d.o.o. Ilidža, Bosman d.o.o. Sarajevo, Orman d.o.o. Sarajevo i Strabag d.o.o. Sarajevo prihvatljive;**
- **Da ponuda ponuđača Grakop d.o.o. Kiseljak nije prihvatljiva**

Naziv / ime ponuđača	GRAKOP d.o.o. Kiseljak
Broj pod kojim je ponuda zavedena	04-11-20430
RAZLOZI ZA ODBIJANJE/ODBACIVANJE PONUDE	
Ponuđač je u svojoj izjavi o raspolaganju osobljem (aneks X tenderske dokumentacije), na stranici 52. svoje ponude, imenovao lice Edin Mazić, sa radnim iskustvom od 5 godina, za "vod. geod. poslova".	
Ponuđač nije u svojoj ponudi dostavio dokaze kojima dokazuje radno iskustvo imenovanog, u skladu sa tačkom 5.4.2 tenderske dokumentacije.	
Tačkom 5.4.2 tenderske dokumentacije je definisano:	
"Potvrdu o radnom iskustvu radnika izdaje poslodavac kod kojeg je radnik stekao iskustvo na radu. Ponuđač/pravno lice ne može dati izjavu da je radnik koji je trenutno zaposlen kod njega stekao iskustvo kod nekog drugog poslodavca.	
Potvrda o radnom iskustvu mora sadržavati podatak o periodu u kojem je imenovani uposlenik radno angažovan kod poslodavca (period rada), kao i naznaku poslova/radnog mjesta koje obavlja imenovani uposlenik. Potvrda se dostavlja u originalu ili ovjerenoj kopiji. Ponuđač može umjesto potvrde o radnom iskustvu, dostaviti potvrdu/uvjerenje nadležnog tijela (npr. potvrda PIO ili potvrda/lista osiguranih lica porezne uprave), pri čemu iz iste moraju biti vidljivi podaci koji se traže i u potvrdi o radnom iskustvu."	
Ponuđač je na stranici 66. dostavio Uvjerenje izdato od Porezne ispostave Fojnica, iz kojeg nije vidljiva naznaka poslova/radnog mjesta koje je obavljao imenovani.	
Ponuđač je na stranici 67. dostavio Potvrdu/Izjavu o radnom iskustvu /stažu, potpisanu od strane Edina Mazića, a ne od strane poslodavca kod kojeg je radnik stekao iskustvo na radu.	
Uzimajući u obzir gore navedeno, ponuđač nije dostavio ponudu koja ispunjava	

uslove iz tenderske dokumentacije.

U postupku donošenja ove odluke, posebno su cijenjene činjenice da je Komisija za javnu nabavku pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima tenderske dokumentacije.

U postupku ocjene provedenog postupka, Direktor ugovornog organa nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija za javnu nabavku u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju je nesporno da je izabrani ponuđač najbolje ocijenjen zbog **najniže cijene**, kako slijedi:

Budući da je postupkom predviđeno provođenje **e-aukcije** ista je održana dana 18.06.2020. godine sa početkom u 12:00 h.

Početna rang lista ponuđača koji su pozvani da učestvuju u e-akciji je

1.	MEVLUDIN COMMERC DOO	1047941,38 *	<i>bez pdv-a</i>
2.	MGBH DOO SARAJEVO	1096619,60 *	<i>bez pdv-a</i>
3.	BOSMAN	1127776,07 *	<i>bez pdv-a</i>
4.	ORMAN DOO	1306814,59 *	<i>bez pdv-a</i>
5.	STRABAG D.O.O. SARAJEVO	1499090,30 *	<i>bez pdv-a</i>

* Označava cijenu na koju se primjenjuje preferencijalni tretman.

E-aukcija je okončana dana 18.06.2020. godine u 12:10 h.

Po okončanju e-aukcije konačna cijena i rang lista ponuda je:

1.	BOSMAN	1046893,44 *	<i>bez pdv-a</i>
2.	MEVLUDIN COMMERC DOO	1047941,38 *	<i>bez pdv-a</i>
3.	MGBH DOO SARAJEVO	1096619,60 *	<i>bez pdv-a</i>
4.	ORMAN DOO	1306814,59 *	<i>bez pdv-a</i>
5.	STRABAG D.O.O. SARAJEVO	1499090,30 *	<i>bez pdv-a</i>

* Označava cijenu na koju se primjenjuje preferencijalni tretman

Izabrani ponuđač je izabran primjenjujući kriterij najniže cijene, koja je ponuđena u iznosu od 1.046.893,44 KM bez PDV-a.

Iz navedenih razloga, primjenom člana 64. stav 1. tača b) Zakona o javnim nabavkama odlučeno je kao u članu 1. ove Odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

M.P.

Direktor

Dostaviti:

- evidencija
- Mevludin Commerc
- Grakop d.o.o. Kiseljak
- MGBH d.o.o. Ilidža
- BOSMAN d.o.o. Sarajevo
- Orman d.o.o. Kiseljak
- STRABAG d.o.o. Sarajevo
- a/a

Selmir Kovač, dipl. ing. saob.



web: <http://dp.ks.gov.ba>
e-mail: dp@dp.ks.gov.ba;
Tel: + 387 (0) 33 560-402, + 387 (0) 33 560-426
Sarajevo, Hamida Dizdara 1

